


Aralin 1

TAKBO, JUAN, TAKBO!



Basahin Natin





Nakalipas ang maghapon.

O, Juan, tawagin mo na ang kapatid mo, uuwi na tayo. Maghanda na kayo.

Opo, Itay.



Nasa daan na silang pauwi nang . . .

Itay, natatakot po ako at medyo tumataas ang tubig. Baka bumaha sa ating daranan.

Napakalakas naman ng ulan. Malayo pa ang ating lalakbayin.



Nangyari nga ang kanilang kinatatakutan ...



Pababa na sila nang biglang rumagasa ang tubig mula sa bundok.



Nang biglang tinawag si Juan ng nanay niya ...

Juan, gising! Bakit ka ba umuungol? Nananaginip ka ba? Hindi ka siguro nagdasal bago matulog.

Inay, bilisan ninyo!








Pag-isipan Natin

A. Sagutin ang sumusunod:


1. Ano ang napanaginipan ni Juan?
2. Maaari bang mangyari sa totoong buhay ang napanaginipan niya?
3. Ano-ano ba ang mga sanhi ng biglaang pagbaha?
4. Ano-ano pa ang mga gawain ng tao na maaaring maging dahilan ng pagkasira ng ating kalikasan?
5. Sa palagay mo, bakit kaya nanaginip nang ganoon si Juan?
6. Bakit hindi mabuti ang sumusunod:




- a. pagputol ng mga puno b. pagtatapon ng basura kahit saan



c. pagbuga ng mga sasakyan
ng maruming usok




d. pagtapon ng pabrika
ng mga kemikal sa ilog



e. paggamit ng dinamita
sa pangingisda



f. pagmina sa kabundukan



g. pagtatapon ng patay na hayop sa ilog



h. pagsunog ng kagubatan o pagkakaingin



i. ilegal na pagtotroso

B. Sumulat ng limang pangungusap sa sagutang papel kung paano mapangangalagaan ang kapaligiran. Tapusin ang sinimulang pangungusap.

1. Ako ay _____

2. Titigilan ko na _____

3. Sasawayin ko ang _____

4. Makikiisa ako sa _____

5. Mangangampanya ako _____

Ihambing ang iyong mga sagot sa Batayan sa Pagwawasto sa pahina 27 ng modyul.



Subukin Natin

1. Sa isang bayan ay may isang pabrika na nagbubuga ng maruming usok at di-kanais-nais na amoy. Lubha itong nakasisira sa kalusugan ng mga naninirahan doon. Kung ikaw ay isa sa naninirahan doon, ano ang gagawin mo? Isulat ang iyong sagot sa sagutang papel.

Ako ay _____

2. Ibigay ang iyong opinyon sa kasabihang “Basurang itinapon mo, babalik din sa iyo.”

Ang ibig sabihin nito ay _____

Ihambing ang iyong mga sagot sa Batayan sa Pagwawasto sa pahina 27 ng modyul.



Alamin Natin

Saklolo, Kaibigan

Mga kaibigan, halina't pagmasdan,
Kahit na sandali, ang kapaligiran
Mga punong dati'y matatayog...malalabay,
Ngayo'y nasaan na, bakit nagkaganyan?


Dati ay sariwa ang simoy ng hangin,
Malamig sa balat, kaysarap langhapin
Ngayo'y may polusyon, mainit kung damhin,
Bakit ba ganito, kay lungkot isipin.

Ginagamit natin, yaman ng paligid,
Nang tayo'y mabuhay, matupad ang nais
Ngunit sana naman, tayo ay mag-isip,
Likas-yaman natin ngayo'y nanganganib!

Ano ang mensahe ng tula sa iyo? Isulat sa sagutang papel.



Tandaan Natin



- Ang kalikasan ay mahalaga sa ating buhay.
- Ang kalikasan ay dapat ingatan at huwag pabayaan.
- Ang kalikasan ay yaman ng sambayanan.

- Ang pagputol ng mga puno sa kabundukan ay nagdudulot ng pagguho ng lupa at malaking pagbaha.
- Ang pagkakaingin ay nakasisira sa kabundukan kaya dapat iwasan.
- Kailangang magkaroon ng disiplina ang mga tao sa pagtatapon ng basura.
- Ang pagtatapon ng patay na hayop sa ilog ay mapanganib sa kalusugan. Nakasisira ito ng ating mga katubigan.
- Ang paggamit ng dinamita sa pangingisda ay mapanganib at nakasisira sa ating yamang-dagat.





Kwentahin Natin

1. Bawal ang magputol ng kahoy sa kabundukan. Ang mahuhuling gumawa nito ay may multang Php 500.00 bawat puno. Magkano ang ibabayad na multa ng isang tao kung nakaputol ng 4 na puno?
2. Ang Kagawaran ng Agrikultura ay nagbibigay ng 5 puno ng mahogany sa bawat pamilya para itanim. Kung may 15 pamilya sa barangay Mayumi, ilang puno ang maipamimigay ng Kagawaran?

Ihambing ang iyong mga sagot sa Batayan sa Pagwawasto sa pahina 28 ng modyul.

Alamin natin ang iyong natutuhan

Pagtambalin ang mga pangungusap sa Hanay A sa Hanay B. Isulat sa sagutang papel ang pangungusap na magkaugnay.

Hanay A

1. Pagguho ng lupa
2. Magiging sanhi ng pagbaha
3. Polusyon sa hangin
4. Mamamatay ang mga maliliit na isda
5. Pagkawala ng mga ibon sa kabukiran at kagubatan

Hanay B

- a. Maruming usok na nagmula sa mga sasakyan
- b. Paggamit ng dinamita sa pangangisda
- c. Pagtatapon ng basura sa daluyan ng tubig o kanal
- d. Pagputol ng mga kahoy sa kabundukan
- e. Pagtanim ng mga puno.
- f. Pagsunog ng mga damo sa kabundukan

Ihambing ang iyong mga sagot sa Batayan sa Pagwawasto sa pahina 28 ng modyul.